

www.BibleForChildren.org

Mateo 26



Utdit inggaw
payyan onoma
algaw sit daan didit
Piyestan di Nalausán,
ummoy si Jesus ud Betania
un ilin Lazaro un pinaungal na.
Nangala si Maria si
kagogwa'n kilu un
nangina'n bangbangu un
nakwa si natang-il un lanan di nardu.
Inyisig na utdit ikin Jesus asina
pinunasan sit buuk na ot napnu dit
boloy sit bangun dit bangbangu.



Utdi, inummoy si Judas Iscariote un osa't dat kawampulu't duwa'n disipulus sidat aappun di padi dalapnu makatulaga ituyuk na si Jesus kan dida. Natalok da un nangngol sit imbagan Judas ot insapata da un itdan da si pilak. Kadon ininainapon Judas dit gundaway na un mangituyuk kan Jesus.




Tinungpal dat disipulus Jesus dit
imbaga na ot ummoy da insagana
dit kakan di Piyestan di Nalausán.
Madama da payyana mangmangan,
nangala't Jesus si tinapay ot
nanyaman kan Apudyus asina
biniibiika intod sidat disipulus
na un kanana'n, "Alan yu tu ta
kanon yu ta siya'd
long-ag ku."




Asina payyan innala dit natasa un inumon da. Maabus mana manyaman kan Apudyus intod na kan dida un kanana'n, "Uminum kayu'n losan situ ta siyatu'd dalaka mangipapiddot sidit intulag Apudyus sidat tagu, siya'd dalaka man-ayus dalapnu mapakawan dat basul dat adu'n tagu."




Utdi, kinnanan Jesus kan Simon Pedro un, “Simon, Simon, donglonak. Napalubusan si Satanas un mamadas kan dikayu’n losan un kama’t man-akiyak si trigo dalapnu isina na dat nabalu utdat laweng. Yoong inluwaluwak sika, Simon, dalapnu adika lumipsuta manuttuwa kan sakon. Ot nu mandadaoli kaon ot mangulin ka kan sakon, pabilgom dit pammatin dat susunud nu.”



Kinnanan Pedro kan Jesus un, “Apu, nadaddaanak un maipasimbalud kan maipangkatoy kan sika.” “Ibagak kan sika Pedro,” kinnanan Jesus. “Daan payyan manullauk din kawitan si bigbigat isulibakon si mamitlu.”



Ummoy da Jesus sidat disipulus na utdin mumul-ana mangngadan Getsemani ot imbaga na kan dida un, “Mantupak kayu yan situ ta umoyak manluwalu’t di.” Ot kanana’t dit luwalu na un, “Ama, naid adi makwa nu sika’d mangwa. Nu mabalin ilisiyak situwa ligata sagapalok. Yoong bokona satun piyaok tun matungpal nu adi sanat piyaom.”



Inummoy si Judas sidi un bu_lun na dat simbungguyana
suldadu'n iRoma kan uduma man-aandog sit timplu un
imbaun dat aappun di padi kan dat Fariseo.

Nan-almas da ya nansilaw da un dummatong.

Ot osa kan dida dit namakag sidit
baba-unon dit kangattuwana padi
ot nasokdap dit diwanana inga
na. Yoong kinnanan Jesus un,
“O_l_og naon.” Asina inaggoman
dit ingan dit baba-unon
ot kummiya.



Utdi, dinokmaan da si Jesus ot indallay da utdit boloy dit kangattuwana padi. Tinungtung-ud Pedro yoong inad-adayuwana. Awad aanniduwana sit gaggawan dit paway ot ummoy si Pedro nakaanidu utdat ininggaw sisi.



Gumminga dit osa't dat
baba-unon dit
kangattuwana padi un
kabagiyan didit
pinengngasan Pedro si
inga un kanana'n, "Bokon
kada sika dit bulun na un
innilak sin mumul-an kanad?"
Insulib uman Pedro ot dagusa
nanullauk dit osa'n kawitan.
Mansidi, lummaksun si Pedro ot
nan-i-ibil.



Utdi, lummakkat da un losan dat naamung ot indallay da si Jesus kan Pilato. Inimusan Pilato si Jesus un kanana'n, "Sika kad dit Alin dat Judio?" Summungbat si Jesus un, "Naibagamon." Ot gaputa piyaon Pilato un pawayaan si Jesus kinabagbaga na uman dat tagu.

Yoong impappakuy da un,
"Pailansam si kulus! Pailansam."




Utdiyon, inyawat Pilato si Jesus kan dida
dalapnu mailansa't dit kulus. Utdi,
indallay da si Jesus sit lasin didit
boboloy un bubukudona dit kulus na
inggana't dummatong da utdit Igaw Di
Battukag un ngadanon da't Golgota
utdin bagbagan di Hebreo.



Siyadi ud nangilansaan da kan siya
utdit kulus ot inggaw da pay duwa'n
inlansa da utdit nan-asisupang kan
siya.



Ot nangkagwa'n napissay dit koltina't din timplu. Utdi, nampakuy si Jesus un kanana'n, "Ama, ita_lgod ku kan sika tun ispirituk." Maibaga na man di, napungdiwon dit angos na.



Masdom man sidiya al-algaw un siya'd mansaganaan dat Judio utdit al-algawa iillongan, dummatong si Jose un iyArimatea. Siya'd osa'n nadayawa pangat un manguuway pay sit mangiyapuwan Apudyus.

Tinulodana un umoy inimus dit ladag Jesus kan Pilato.



Ummoy gummatang si Jose ut
luput ot utdit maidoba na si
Jesus sidit kulus, nilukutana't
dit luput asina umoy
innilbon sit kakokwa na
un lobona inabutana'n
dakolana batu.

Maabus man
namallin si dakola
batu si intubot na
utdit sagangaban dit
lobon.



Mabigat man, sidit maabus dit
al-algawa mansaganaan, ummoy
dat aap-apun di padi kan
dat Fariseo kan Pilato. Ot
kinnanan da un, “Apu,
nagasmok mi un sadit
katattagun payyan
didit matuli, imbaga
na un umungal
kanu
nu


maikatlu'n algaw.”



“Utdi, ummoy da inyamma dit tubot dit lobon asida minalkaan dalapnu matigammuwan nu mabukatan. Maabus man, tinengyan da dat suldadu’n man-andog.”




Biggabiggat man dit umuna un al-algaw
di sinduminguan sidit maikabas
dit al-algawa iillongan, ummoy
da Maria Magdalena kan
sat kangadan na un Maria
innila dit nailbonan
Jesus. Kaklata
lawa'n nanlunig si
nabilog.



Inggaw anghel Apudyus un dummoba'n
nanligwat langit un umoy namallin
sit batu'n naitubot sit
sagangaban dit lobon ot
nantupakana. Ot
gapilpilan dat
man-aandog sit
amoamod un kimut
da ot natukas da

un kama
dat natoy.



Yoong kinnanan dit anghel sidadit babai un, “Adi kayu kumimut, ta tigammuka inapon yu si Jesus un nailansa’t dit kulus. Naid situ ta ummunga_lon un siya dit imbaga na kan dikayu. Awe yu ta ikayu ilan tun naibanatana.”




Utdi, nanda_lada_las da un kaysan un kumimkimut da yoong amod dit anggom da. Nanodtoddak da un ummoy nangibaga't dat disipulus Jesus. Utdit manodtoddakan da, inabat Jesus dida ot kanana'n, "Ayan yu?" Ummadani da un umoy ummaggom sit ikin Jesus un



nampalintumonga
nandayaw kan siya.





Mansidiyon, nampaila't Jesus sidat kagwampul't osa un disipulus naon sidit madama da un mangan.

Sinulagana dida utdit kinamaid di pammati da kan kinasungol da ta adida tinuttuwa dat nakaila kan siya un ummungalon. Utdit naabusa makabagbaga't Jesus kan dida, naipangatu'd langit ot nantupak sit kapon diwanan Apudyus.



Gapu't dit
amoda mampipiyan
Apudyus sidan tagu't tun lubung, imbaun
na dit bugbugtungga Anak na dalapnu
singngadan na mana manuttuwa kan
siya, adina maipadalan sin impiyelnu
nu adi maitdan si mataguwana
maid kigad na.



Roma 3:23

Ta losana tagu nakabasul da ot adayu dit kasasaad da utdin kinangatun Apudyus.

Roma 6:23

Ta sat dusan di basul, katoy yoong sadit itdon Apudyus un ligalu na kan ditaku, sadit mataguwana maid si kigad maipagapu't dit naidagamungan taku kan Jesu Kristu un Apu taku.

Hebreo 9:27

Ta naikoddonga mamingsana lawa'n matoy nat tagu ot maabus kad ukumon Apudyus.



Efeso 2:8,9

Ta maipagapu't dit kaasin Apudyus tinagu ditaku maipagapu't pammati un bokona maipagapu't kingwa taku. Ligalun Apudyus dit managuwana kan ditaku, bokona mailabbu isunga naid mabalin taku'n itakka_.

Roma 10:9,10

Ta nu ibaga yu utdan udum un si Jesus ud Apu kan nu tuttuwaon yu utnat angos yu un pinaunga_ Apudyus, taguwon dikayu kan siya. Ta gapu't naimpusuwana mantututtuwan di osa'n tagu, maibilanga nalintog. Ot gapu't mangibagaana't dit maipanggop sit pammati na, taguwon Apudyus.



Juan 3:16,17

Gapu't dit amoda mampipiyan Apudyus sidan tagu't tun lubung, imbaun na dit bugbugtungga Anak na dalapnu singngadan na mana manuttuwa kan siya, adina maipadalan sin impiyelnu nu adi maitdan si mataguwana maid kigad na. Ta bokona imbaun Apudyus dit Anak na un umoy mangikoddong sit madusaan di tagu uttun lubung nu adi imbaun na un umoy managu kan dida.

1 Juan 5:11-13

Kama't tu dit imbagan Apudyus maipanggop sit Anak na. Initdan ditaku kan Apudyus si mataguwana maid kigad na. Satu un mataguwan manligwat sit Anak na. Sat tagun maiyossaan sidit Anak Apudyus awad mataguwana't inggaingga. Yoong sat tagun adi maiyossaan kan siya, maid mataguwana't inggaingga. Isulat ku datu kan dikayu'n manuttuwa utdit Anak Apudyus dalapnu tigammu yu un awad mataguwan yu si inggaingga.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Limos Kalinga NT (kmk)© 2003, Wycliffe Bible
Translators, Inc. All rights reserved.

<https://www.bible.com/bible/1274/MAT.1>

©2025 Bible for Children, Inc.

www.M1914.org

www.bibleforchildren.org

